



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus Ultimus. An Innovatio privilegiorum habeat vim confirmationis?

[urn:nbn:de:hbz:466:1-73001](#)

Veluti potestate non sua (consequenter nulliter, ac iniuste agere) si contra ejusmodi privilegia, vel dispositiones specialiter confirmatas, ac exhibitas, vel notoriè tales, se ingerunt ea disputando, vel impugnando, aut exemptos: citando, jūdicando, pronuntiando, arrestando, puniendo, &c. quia procedunt ex jure, ac potestate, quām non habent; excipe, nisi manifestum sit, confirmationem, etiam in forma speciali, laborare vitio subreptionis; quia licet clausula (*ex certa scientia*) videatur excludere præsumptionem subreptionis, ea tamen præsumptio cessat, si contrarium manifestum sit.

3056. Effectus porro *specialis*, qui tribuitur confirmationi *ex certa scientia* communiter esse dicitur, quod novum tribuat aetui, quem confirmat, eumquè, si forte prius invalidus erat, firmum faciant, & validum, supplendo defectus illius, dummodo potestas confirmantis ad actum validandum se ex tendat, sic defectus talis sit, quem Princeps supplere possit, & quandoque rationabiliter soleat; prout constat ex c. i. de transact. ubi Gleff. fin. ait: *si transactio, vel pactum ab initio invalidum sit, per confirmationem Papæ sumit vigorem;* & *sententia, que non tenet, per confirmationem Papæ efficitur valida.* Idemque est de testamento carente requisitis solemnitatibus; ratio est; quia confirmation, *ex certa scientia*, sive cum plena cause cognitione, non est nuda, & simplex confirmation, sed est nova potius concessio, & in effectu dispensatio; ideoque vim habet actum nullum reddendi validum; sic Decius ad Rubric. h. t. circa fin. Suarez de Legib. l. 8. c. 18. n. 12. Gonzalez in c. 2. h. t. à n. 5. & alii. Cum enim Princeps sive Ecclesiasticus, sive Secularis expressè dicat: *se confirmate ex certa scientia*, adeoque cum prævia cognitione omnium, quæ ad valorem actus se confirmati necessaria sunt, in quantum pendet à sua potestate, ac jure sibi subiecto, illi merito credendum est, arg. Clement. i. de Probat. & præsumendum, si quis ejusmodi defectus a se supplebilis foret, eum supplere, & actum a se confirmatum, validum omnino esse, non obstantibus contrariis, quæ vi potestatis suæ removere potest.

3057. Not. autem, cùm dicimus, per confirmationem specialem, seu factam *ex certa*

scientia, tribui jus & valorem aetui confirmato secundum se irrito, vel ex renuntiatione, revocatione, aut alio modo, etiam per negligentiam amissio, Confirmante defectu ejus supplente; non intelligi, ubi deficit jure naturali, vel divino; hunc enim defectum supplere non potest humana potestas; sic Abbas in c. i. de Transact. n. 5.

Secundò, quando defectus est juris positivi, quem quidem absolute potest, non tamen solet supplere Princeps; cuiusmodi est vitium personæ (ut si confirmaretur electio intrusi) vel confirmatio administrationum in Prioratibus, & similibus facta Regulari personæ in particulari quorum vixerint, ut haberetur in c. Porrectos h. t. de quo n.

Tertio; si cedat in præjudicium tertii, nulla mentione, quod, non obstante jure alteri quæssito, actum confirmatum velit; utri & in aliis, quæ confirmans ignorare præsumitur, cuiusmodi sunt consuetudines municipales, & statuta locorum, vel quæ in mero facto consistunt, arg. c. i. de constitut. in. 6.

ARTICULUS ULTI MUS.

An Innovatio privilegiorum habeat vim confirmationis?

A Nte resolut. Supponendum privilegio um quandoque sumi pro instrumento Authentico, in quo gratia specialis, aut concessio Principis, ejusquæ probatio continetur: aliquando vero pro ipso jure speciali, vel gratia per Principem concessa, cuius tenor in ipso instrumento continetur. Ex quo sequitur, etiam innovationem aliam esse materialē solius instrumenti; vel nimia vetustate consumpti; vel deperditi; aliam formalem, nempe iuris in instrumento contenti; de materiali agitur etiam in c. cùm olim 12. de privilegiis formalib. L. 7. ff. de excusat. Tutorum.

Ad resolvendam hanc questionem, faciat textus in c. *Ex parte*, de privilegiis. Nam, cùm Episcopus Meldensis Abbatissam, Ecclesiam, & populum Jotrensem, ad Sedem Apostolicam immediatè spectantem, cuiusdam commissoriis (in qua de privilegiis nulla siebat mentio) prætextu, graviter molestaret, Abbatissam ex-

com-

communicando , & Clerum , ac popu-
lum interdicto supponendo eaque ad Se-
dem Apostolicam appellâset : Pontifex ,
privilegio Apostolico exceptionis sibi exhi-
bito . & nemine ex adversa patte comparen-
te , aut respondentie , dictum privilegium *in-*
novavit , ita tamen , ut per innovationem non
plus juris eidem Ecclesiæ accresceret , quâm
per privilegia prædecessorum obtineret ;
cùm per hoc non novum concedere , sed an-
tiquum jus conservare voluerit .

3061. Deinde in c. *Quia intentionis* 29. eod.
ibi : quia intentionis nostræ non extitit , ut
per *innovationem* , quam fecimus , dero-
garetur Ecclesiæ Baiacensi , cùm *innovationem*
nec jus novum conferat , nec etiam tollat
vetus , te in eo statu esse volumus , in quo
tempore impetratae innovationis digno-
sceris extitisse . Cæterum , nullum per
hoc intendimus , juri alias eidem mona-
sterio competenti , præjudicium generari .

3062. Tertio , in c. *Cum dilecta* 4. h. t. Cùm
enim Abbatissa Gardenn , cum suis so-
roribus cuperet sua privilegia innovari , &
Pontifex quatuor Episcopis , & totidem Ab-
batibus , eorum inspectionem , & trans-
scriptionem injunxit , illis verò Ponti-
fici præsentatis , ex parte Hildeshemensis
Ecclesiæ proponeretur , ipsam in possessione
Subjectionis hujus Monasterij per centum
annos extitisse ; idem Pontifex Judicibus
mandavit , ut in loco aliquo idoneo dili-
gentius super his inquirerent veritatē , à qui-
bus pars Ecclesiæ Hildeshemensis ad Se-
dem Apostolicam appellavit . Iteratō au-
tem prædicta Abbatissâ innovationem pri-
vilegorum petente , Pontifex , similitudi-
ne rationis eorum , quæ in jure de testibus
minus idoneis , in periculo occultandæ ,
aut subtrahendæ veritatis conceduntur ,
permotus , prædicta privilegia , quasi jam
nimia vetustate consumpta , neque in per-
gimento sed papyro conscripta , dixit *inno-*
vanda , nolens tamen , quod ex innovatione
hujusmodi novū jus Monasterio acquiratur ,
sed antiquum , se quod habet per innovatio-
nem hujusmodi conservetur .

3063. Ex his juribus sequens communiter de-
ducitur conclusio , quod innovatione privi-
legij jus novum non tribuat , sed anti-

quum , se quod competebat , confirmet ; at
corroboret , quod , loquendo de *innovatione*
solius instrumenti , seu merè materiali ,
omnino verum est , ut constat ex textu in
c. cùm *dilecta* n. præced. ibi : *prædicta pri-*
privilegia , jam nimia vetustate consumpta ,
duximus *innovanda* ; nolentes quod in-
novatione hujusmodi novum jus Mona-
sterio acquiratur ; sed antiquum , si quod
habet , per innovationem privilegij con-
servetur ; & hoc sensu accipiendi sunt al-
lati textus de quibus à n. 3059 . Si au-
tem innovatione privilegorum sit *formalis* ,
& fiat in forma solū communi : non
præstat plus , quâm confirmatio ordina-
ria ; secūs , si in forma speciali , & ex certa
scientia ; tum enim habet eosdem effe-
ctus , quos confirmatio specialis de quibus
à n. 3056 . sic Gonzalez cit. n. 7. & alij
communiter .

3064. Ratio primæ partis , de innovatione
privilegij , solū *materiali* , seu solius in-
strumenti , est , quia hujusmodi innova-
tio solū sit ad faciliorem probationem
ejus , quod in privilegio continebatur , &
juxta ejus tenorem est facienda , nihil
omnino addito , vel etiam detrahe , ac
subinde intentio Principis hanc innova-
tionem fieri concedentis non est quic-
quam de novo tribuere , vel concessionem
extendere , vel novum robur adjicere ;
sed solū tenorem ejus , quod antea erat
concessum , in scripturam redigere ad fa-
ciliorem probationem , juxta L. *contrahitur* , ff. de pignoribus , eamque rationem
redit Pontifex in dict. c. *quia intentionis* ,
in princip. dum exorditur , *quia intentionis*
nostra non extitit ; & deinde in deci-
sione , per hoc non intendimus &c. prout
explicat Suarez I. 8 de Legibus , c. 20. à
n. 3. Si autem contingat innovatione *for-*
malis , ipsius nimirum gratiæ , vel juris in
eo contenti ? licet simul etiam innovaretur
instrumentum , quando habet clausulam
ex certa scientia , vel *equipollentem* , ip-
sam operari idem , quod confirmatio spe-
cialis probat ratio allata n. 3056 . & tenet
Barbosa in dict. c. 4. n. 62. ex quo habe-
tur etiam ratio secundæ
partis .

F I N I S.

INDEX